



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: UP-I/25-1-40-122-2/21
Datum: 24.03.2021. god

«Agencija za vodno područje rijeke Save» Sarajevo rješavajući po zahtjevu JP „Elektroprivreda BiH“ d.d. Sarajevo, Podružnica „Elektrodistribucija“ Tuzla za donošenje Rješenja o prethodnoj vodnoj saglasnosti za izgradnju transformatorske STB-B 10(20)/0,4 kV „Mosorovac III“ sa priključnim 10(20) kV srednjenaponskim nadzemnim vodom, na području općine Lukavac, na osnovu člana 218. Zakona o upravnom postupku («Službene novine Federacije BiH», broj 2/98, 48/99), donosi

ZAKLJUČAK

1. Odbacuje se zahtjev Investitora, JP „Elektroprivreda BiH“ d.d. Sarajevo, Podružnica Elektrodistribucija, Tuzla za donošenje Rješenja o prethodnoj vodnoj saglasnosti za izgradnju transformatorske stanice STB-B 10(20)/0,4 kV „Mosorovac III“ sa priključnim 10(20) kV srednjenaponskim nadzemnim vodom, na području općine Lukavac, s obzirom da za predmetnu aktivnost nije propisana obveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i dr.

Obrazloženje

JP „Elektroprivreda BiH d.d.“ Sarajevo, Podružnica „Elektrodistribucija“ Tuzla, obratilo se ovoj Agenciji sa zahtjevom bez broja od 23.03.2021 godine za donošenje Rješenja o prethodnoj vodnoj saglasnosti za izgradnju transformatorske stanice STB-B 10(20)/0,4 kV „Mosorovac III“ sa priključnim 10(20) kV srednje naponskim nadzemnim vodom, na području općine Lukavac, a u postupku pribavljanja okolinske dozvole.

U provedenom postupku dostavljena je i pregledana sljedeća dokumentacija:

- Ovjerena kopija rješenja o izmjenama podataka u sudskom registru broj 065-0-Reg-16-001316 od 19.5.2016. godine;
- Ovjerena kopija uvjerenja o poreznoj registraciji, Poreska uprava – Kantonalni ured Sarajevo, od 17.08.2015. godine;
- Ovjerena kopija rješenja o registraciji/upisu u Jedinostveni registar obveznika indirektnih poreza JP „Elektroprivrede BiH“ d.d. Sarajevo broj 04/1-UPP/1-7160/07 od 01.08.2007. godine, donesenog od strane Uprave za indirektno-neizravno oporezivanje Banja Luka;
- Dokaz o uplaćenju upravnoj pristojbi i administrativna taksa na zahtjev;
- Studija: Izgradnja transformatorske stanice STS-B 10(20)/0,4 kV „Mosorovac III“ sa priključnim 10(20) kV vodom, Općina Lukavac, urađena od strane „URBIS-CENTAR“ d.o.o. Banja Luka, broj projekta: 262-P/2021;

Na osnovu dostavljene Studije, utvrđeno je da se radi o izgradnji transformatorske stanice sa priključnim kablovskim vodom na području općine Lukavac koja se gradi u svrhu napajanja električnom energijom. Obim predviđenih radova ne predviđa korištenje bilo kojeg fluida (voda, ulje i sl.) u svom procesu prenosa električne energije osim korištenja mineralnog ulja za hlađenje transformatora u hermetički zatvorenom sistemu.

Kako u predmetnom objektu neće nastajati tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka

(cc) a u vezi tačke (s) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20 i 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 218. Zakona o upravnom postupku («Službene novine Federacije BiH», broj 2/98, 48/99) riješeno je dispozitivu zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, B.Sc.ing.građ.

2a - **Po ovlaštenju**
Rukovodilac sektora za izdavanje vodnih akata

Haris Ališehović, dipl.inž.građ

Dostaviti:

- JP „Elektroprivreda BiH d.d.“ Sarajevo, Podružnica „Elektrodistribucija“, Tuzla – Rudarska 38, 75000 Tuzla
- ⊙ AVP Sava – ISV Vodna knjiga
- Org.jed. 40 – Arhiva
- AVP Sava – Oglasna ploča